

KONTROVERSIANAN

Lès 3 pa Yüli
20, 2024



“Y El a bisa nan, 'E Sabat a wòrdü trahá pa hende, i no hende pa e Sabat. P'esei e Yiu di Hende ta tambe Señor di e Sabat' ” (Marko 2:27, 28, NKJV)







Hesus Su komportashon, Su manera di prediká, i asta Su saniamentunan, tabata bini den konflikto direkto ku e tradishonnan di e outoridatnan religioso.

Nan a konsider'É blasfemo; un hende golos i amigu di pekadornan; transgresor di e Sabat ... Nan a asta akus'É di ta traha pa Beëlzebú!

Su propio famianan a bini ta kere ku Hesus a pèrdè Su mente debí na muchu trabou.

Sin duda, e bida di Hesus tabata un bida kontroversial.



-  **Kontroversia riba pordon. Marko 2:1-12.**
-  **Kontroversia di kuminda. Marko 2:13-22.**
-  **Kontroversia riba e Sabat. Marko 2:23-3:6.**
-  **Preguntanan kontroversial tokante di Hesus:**
 -  **Ku ki poder E ta hasi milagernan? Marko 3:22-30.**
 -  **Hesus ta loko? Marko 3:20-21, 31-35.**

KONTROVERSIA RIBA PORDON


“ Ora Hesus a mira nan fe, El a bisa e paralítiko “Mi yiu, bo pikánan ta pordoná.” (Marko 2:5)

Ora ku Hesus a regresá na Pedro su kas na Kapernaum, hopi hende a bini pa skuch’É (Marko 2:1-2). Kuater amigu a aserká asina ku Hesus lo por kura nan amigu paralisá, pero nan no por a yega serka di djÉ. Determiná pa tres’é na Hesus, nan a subi riba e dak i a kibra habri un buraku pa bah’é abou. Hesus Su spich a wòrdu interumpí, i tur hende a keda ketu, sperando pa mira kiko Hesus lo hasi (Marko 2:3-4).

“ Bo pikánan ta pordoná ” (Marko 2:5). E paralítiko lo por a reklamá : “ loke mi mester ta pa kana.” Pero é no a hasi esaki. Hesus a kura e rais di su malesa. E no tabata preokupá tokante di no kana atrobe, pero tokante di e pordon ku a duna pas na su alma.

Pa e eskribanan, esaki tabata blasfemia (bèrdad, si Hesus no tabata Dios). Pa demostrá ku E tabatin e poder pa pordona, Hesus a kura e paralítiko (Marko 2:8-11).

E hendenan a alabá Dios pa a duna Hesus e poder pa pordoná pikánan (Marko 2:12; Mat. 9:8). E paralítiko a kana; pero e eskribanan a wòrdu lagá siegu, ínkapas pa mira ku Hesus lo por lesa nan mente, pordoná e pekador, i dun’é saniamentu.



KONTROVERSIA DI KUMINDA


“ Segun ku E tabata kana pasa, El a mira Leví, yiu hòmer di Alfeo sintá na e kobradó di belasting su ofisina. ” **SiguiMi,** “ Hesus a bis’é, i Leví a lanta i a siguiE ” (Marko 2:14).



No ta difisil pa imaginá e kontroversia ku Leví su yamada a lanta (Marko 2:13-14). Pa un Huidiu ortodòks, un publikano tabata peor ku un Gentil. E tabata un Huidiu renegado, bendé na su enemigunan. Nan no por a kome kuné òf mishi kuné.

Pero kosnan a bira peor. Hesus no solamente a kome den e kobradó di belasting su kas, El a rondoná Su mes ku hopi manera djé (Marko 2:15). E kritikadónan no a malgastá e oportunidat: “ Kiko esaki ta, ku E ta kome i bebe huntu ku publikanonan i pekadornan? ” (Marko 2:16).

Hesus a kontradisí nan lógikamente: unda mihó ku akinan lo Mi haña pekadornan pa salba? (Marko 2:17). Adishonalmente, El a reta nan pa eksaminá nan propio sintimentunan. Nan mester a siña pa stima (Mat. 9:12-13).



KONTROVERSIA DI KUMINDA (2)

“ Hesus a bisa nan: Esnan ku ta na e kasamentu lo por yuna mientras e brùiehom ta huntu ku nan? Tanten ku nan tin e brùidehom huntu ku nan, nan no por yuna ” (Marko 2:19)

Leu for di siña pa stima, e Fariseonan a stimulá Juan su disipelnan pa uni ku nan krittika: “ Kon por ta ku Juan su disipelnan i e disipelnan di e Fariseonan ta yuna, pero esnan di Bo no ta yuna?” (Marko 2:18).

Hesus Su kontesta a bini den forma di parábolanan:



E parabola di e kasamentu (Marko 2:19-20).



Kon un hende por yuna mientras e ta na un kasamentu? E brùidehom ta Hesus; e huéspednan e disipelnan. Ora ku Hesus a muri i a wòrdu resusitá, e ora ei Su disipelnan lo tin mester di yuna.

E parabola di e nobo i e bieus (Marko 2:21-22).



E siñansanan bibu di Hesus no tabatin ningun lugá den e siñansanan morto di tradishon; i vise versa.

KONTROVERSIA RIBA E SABAT

“ E Fariseonan a bis'É, “ Mira, pakiko nan ta hasi loke ta ilegal riba e Sabat?” (Marko 2:24)

E Fariseonan a siña 39 formanan di trabou ku a transgresá(viola) e sosiegu di e Sabat ordená dor di Dios.

Dor di tuma e grano i kita esaki su kaska pa kom'é, e disipelnan a ehikutá tres trabou prohibí riba e Sabat: kosechá ; bati; i bencha. (Marko 2:23-24; Mat. 12:1-2).

Hesus Su kontesta: Boso no ta kòrda ku David, ora ku é tabatin hamber, a kome e pan konsagrá, loke solamente e saserdotenan lo por kome? (Marko 2:25-26).



Mas despues, Hesus a ehikutá un “obra” ku no tabata inkluí entre e 39, pero kua tabata konsiderá tambe un transgreshon di e Sabat: kuramentu (Marko 3:1-3).

Hesus Su kontesta: “ Kual ta legal riba e Sabat: pa hasi bon òf pa hasi malu, pa salba un bida òf pa mata?” (Marko 3:4).

Últimamente, Hesus ta Señor di e Sabat, i El a duna esaki na nos pa nos bon (Marko 2:27-28).

Kuriosamente, e wardadónan zeloso di e Sabat a traha un kòmplèt pa un matamentu (Marko 3:6).



**PREGUNTANAN
KONTROVERSIAL
TOKANTE DI HESUS**

KU KI PODER E TA OBRA MILAGERNAN ?

“ Y e siñadónan di e lei kende a bini for di Jerusalèm a bisa, ” E ta poseí pa Beëlzebúl!
Pa medio di e prens di demoñonan, E ta sakando demoñonan ” (Marko 3:22)

Marko ta kuminsá un historia tokante di Hesus Su famia, pero ta interumpí esaki pa nara un kontroversia ku e Fariseonan. Mas despues, é lo bolbe bèk na e promé historia. E patronchi aki ta wòrdu huzá dor di Marko na varios okashonnan pa uni dos historia similar, dunando énfasis na esun sentral komo esun di mas importante.

Den e kaso aki, e historia importante ta e eskribanan su akusashon ku na ki poder tabata ku a permití Hesus pa saka demoñonan (Marko 3:22).

Marko 3:20-21

Hesus Su famia
ta busk'Ele

Marko 3:22-30

Akusashon di Fariseonan

Marko 3:31-35

Hesus Su famia
ta busk'Ele

Atrobe, Hesus ta huza un parabola pa demostrá e absurdos di e akusashonnan kontra di djÉ (Marko 3:23-27). Hesus ta drenta e kas di e hòmber fuerte (Satanás), mar'é, i asina lo por plùnder su propiedat (libra esun poseí pa demoño).

Tambe e ta tuma e oportunitat pa spierta(avisá) di e peliger di ta atribuí e trabou di e Spiritu Santu na e diabel (Marko 3:28-30).



HESUS TA LOKO?

“ Ora ku Su famia a tende tokante di esaki, nan a bai pa enkargá kunE , pasombra nan tabata bisa, ” Su kabes no ta bon ” (Marko 3:21 NIV)



Kiko a pone(hasi) Hesus Su famia pensa ku El a bira loko (Marko 3:20-21)?


Muchu trabou, nutrishon pover, strès debí na Su diskushonnan kontinuo ku Eskribanan i Fariseonan ...

Despues di un paréntesis breve, Marko ta kontinuá ku e historia, introdusiendo e famianan kende tabata buska Hesus: Su mama i Su rumannan hòmber (Marko 3:31).

Ki un falta di konsiderashon pa Su famia di parti di Hesus!
(Marko 3:32-33).

Pero aparensianan ta engañoso. Su mama i rumannan hòmber tabata robes. Lagando Su trabou pa atendé ku nan na e momentu ei tabata dañoso(perhudisial) na Su mishon i na nan mes.

Mas importante ku enlasenan karnal ta e enlasenan ku ta uni Hesus ku Su famia spiritual: “ Ken ku hasi Dios Su boluntat ta Mi ruman hòmber i ruman muhé i mama ” (Marko 3:35).



“ E spiritu di persekushon lo no ta stimulá kontra di esnan kende no tin ningun konekshon ku Dios, i asina no tin ningun forsa moral. Esaki lo wòrdu lantá kontra di esunnan fiel, kende no ta hasi ningun konseshonnan na e mundu i lo no wòrdu influenshá dor di esaki su opinionnan, su fabor, òf su oposishon. Un religion ku ta karga un testimonio bibu na fabor di santidat, i ku ta reprendé orguyo, egoísmo, avarisia, i pikánan na moda, lo wòrdu odiá dor di e mundu i dor di Kristiannan superfisial Ora ku bo sufri reproche i persekushon boso ta den kompania ekselente; pasombra Hesus a soportá tur esaki, i muchu mas. Si boso ta sentinelanan fiel pa Dios, e kosnan aki ta un komplimènt pa boso. Ta e almanan heroiko, kende lo ta bèrdadero si nan para nan so, kende lo gana e korona imperesido.”